

茗

齋

集

附明詩鈔

四部叢刊續編

茗齋集

附明詩鈔

(84026)

中華民國二十三年十二月初版

每部三十四冊定價大洋拾捌元

外埠酌加運費匯費

發行人

王雲五
上海河南路

印刷所

商務印書館
上海河南路

發行所

商務印書館
上海及各埠

倪敬

小景

雨餘流水抱孤村。天際青山鎖白雲。滿地落花春寂寂。道人清
晝未開門。

鍾政

到楊州

樹繞人家水抱城。何郎去後減詩情。不知東閣梅花處。二十四
橋空月明。

郭登

甘州

甘州城西河水流。甘州城北胡雲愁。玉關人老貂裘敝。苦憶平生馬少游。

徐有貞

遊帝丘嘲同遊者

穿盡幽林鳥道微。閒情適處自忘機。同來不解遊山意。一見青山便欲歸。

鷓鴣圖

烟雨蕭蕭苦竹秋。感人常自叫鉤輈。披圖無限江南思。不必聞聲也自愁。

熊直

薊門秋夕

清漏遲、月轉廊博山銷盡水沉香。重城不鎖還家夢，兩夜分
明到故鄉。

薛瑄

竹枝歌

錦官城東多水樓。蜀姬酒濃消客愁。醉來忘却家山道。勸君莫
作錦城遊。

張寧

宋太子墨竹

御筆龍香出內庭。幾枝疎影拂前星。當時粉繪都零落。惟有寒

山似舊青

題畫

風靜猿啼月滿山。東林夜色共人閒。柴門正與清光對。分付山童且莫闌。

沈愚

舊遊郎事

冶城東畔舊亭臺。朱扉映水開。一樹碧桃都落盡。去年蝴蝶却飛來。

趙介

題昭君圖

玉筋啼殘別漢京。天驕含笑擬長城。傍人莫訝腰肢瘦，猶勝驃姚十萬兵。

鄧定

明妃出獵圖

八月天山雪作花。合圍千騎度龍沙。傳呼莫射南飛雁，欲寄平安到漢家。

張泰

漢宮詞

被寒曉盡鬱金香。侍女無言立近牀。一樣玉壺傳漏點，南宮夜短北宮長。

張楷

古詞

羅帕凝香拭未乾。朱櫻窗外雨生寒。燈花知是虛傳喜。落盡青
煤誓不看。

江南春

滿川啼鳥怨殘紅。水郭郊園柳絮風。春雨一番江水濶。草痕將
綠到吳中。

金寔

題花鳥圖

香掩重門畫漏稀。一枝穠倚盡樓西。嬌禽也解幽人意。禁斷春

聲不敢啼

王誼

春思

山映簾櫳水映窗。浣紗人在苧蘿江。年、三月梨花雨。門掩東風燕子雙。

張注

有感

勸君莫惜鬢毛斑。鬢到斑時亦是難。多少紅顏羊少子。朔風吹上北邙山。

彭華

明妃曲

抱得琵琶不忍彈。胡沙獵獵雪漫漫。曉來馬上寒如許。信是將軍出塞難。

王越

西渡

桃花渡近莫愁村。不似劉家如婦津。薄暮雨寒猶鼓棹。隔江應有未歸人。

聶大年

題畫

翠實離、引蔓秋。西風涼露滿林丘。東門尚有閒田地。千載無

人說故侯

題畫

綾鞦青驄踏軟沙
畫橋烟樹酒旗斜
玉樓人醉東風晚
高捲紅簾看杏花

李東陽

虞美人

按劍孤營落日昏
楚歌聲裏漢兵屯
當時國士無存者
獨有虞姬不負恩

號國夫人早朝圖

掃罷蛾眉上馬遲
君王剛及退朝時
侍臣記得丁寧語
莫遣長

生殿裏知

題趙仲穆挾彈圖

東風挾彈小城春。遊騎飛韁不動塵。
道上相逢休錯認。衛家兄弟霍家親。

畫竹

漢臯亭上起秋風。夜逐湘靈下楚宮。
曉入碧雲看不見。墮釵遺珮各西東。

丘濬

春閨怨

舊歲花殘今又開。去年人去幾曾來。
不知明歲花時節。人在天涯

涯回未回

陳獻章

桃花

雲鎖千峰午未開。桃花流水更天台。
劉郎莫記歸時路。只許劉郎一度來。

夏鐸

山中襍興

何處風光欲斷魂。水邊雲裏有芳園。
馬蹄不識山家路。相趁溪聲到小門。

史鑑

塞下曲

城下黃河城外山。○
羗兒騎馬唱歌還。○
贗西亦有聞花鳥。○
莫信春光不度關。○

石琚

楊柳枝

花萼樓前半夕陽。○
半含輕黛半含黃。○
君王不惜千金寵。○
遮莫臨風舞袖長。○

張弼

方文美畫

花落春歸客未歸。○
仲宣樓上倚斜暉。○
故園遙在三江外。○
綠遍靡

燕燕子飛

楊時秀

吳宮

畫棟雲消夜色清
宮前溝水作秋聲
如何醒得吳王夢
多少花枝壓禁城

蘇平

閨門柳枝詞

此地吳王舊市朝
空遺衰柳日蕭蕭
行人不用頻回首
煬帝宮前更寂寥

羅柔

枳花

老屋疎籬自一家、催耕聲裏舊年華、東風不問春多少、開遍牆陰枳殼花、

睡起

梅雨淹留未放晴、村橋泥滑斷人行、野翁睡起無聊賴、消受幽禽三四聲、

陸容

楊妃上馬圖

女奴扶力上龍駒、玉頰酣春寶髻斜、烽火照人鞞鼓急、尚疑燒燭夜催花、